



Bájkkeavijssa NuorttaSáallto

Sierra áhpadusfálaldahka julevsáme kultuvrramáhtudagán

Suohkan- ja fylkkasuohkanbargge li muhtema studentajš gudi tjavtja rájes tjadádi áhpadusáv sáme kultuvrramáhtudagán gánná julevsáme kultuvrra tjalmostahteduvvá.

Aktan Divtasvuona suohkanijn ásadi RKK Ofoten ja Rámsá universitehtta áhpadusfálaldagáv sáme kultuvrramáhtudagán gánná julevsáme guovllo tjalmostahteduvvá. Rámsá universitehtan le fágalaš ávdásvásstádus, madi RKK Ofoten le teknihkalaš ásadiddje. Áhpadus le organiseridum 3 tjáhkaniimij, juohkka 2 biejeve guhke, ja gájkka tjáhkaniime li Divtasvuonan. Dát le joarkkaáhpadusfálaldahka gánná oahppe oadtju 10 oahppotjuorga gá eksámav li tjadádam. Gudi sihti bessí aj áhpadimev tjuovvot váni eksámav váldemis. Tjáhkaniime galggi ienemus oassáj tjadáduvvat Ájluovta skávlán ja Árranin, aktan manoj Mässkáj ja Vuodnabahtaj.

- Dálátji li miján 70 oassávjálde, javllá RKK Ofotena jádediddje Idar Sørensen guhti tjárggi saje li ájn sidij gudi sihti ma?en. – Rádje le birrusij 80 Máske ja Vuodnabadá mano diehti danen gá lip diŋngum guokta vantsa gási ienemusát 40 tjárggi, javllá sán. Oahppofálaldahka le diŋngudum Divtasvuona suohkanis ja le



Riektá ietjas giellaj ja kultuvrraj. Solvár Turin le ávdásvásstádus áhpadimes ja pedagogalaš bagádimes Árranin ja áhpat aj julevsámegiellan joarkkaskávlán. **Retten til eget språk og egen kultur.** Solvor Turi har ansvar for undervisning og pedagogisk veiledning ved Arran og underviser i og på lulesamisk i videregående skole. Foto/gávva: Sander Andersen



Tæksta: Kitty Skapalen
Járggálibme: Lars Th. Kintel

Sierralágásj máhttelisvuoha: Idar Sørensen le dálátjij dudálasj oasseváldelágujn sáme kultuvrramáhtudagá áhpadusán mij boahhte tjavtja álggá. **Unik mulighet:** Idar Sørensen er så langt fornøyd med deltakerantallet for studiet i samisk kulturkunnskap som starter nå i høst. Foto/gávva: Børge Strandskog

boahám danen Divtasvuona suohkan sjattaj oassen sáme giellaháldadimguovlos ádájakmáno 1. biejeve rájes 2006. Áhpadus le fálaldahka gájkajda gudi dárbaht máhtudagáv ja dádjadusáv sáme kultuvras gánná julevsáme guovllo sierraláhkáj tjalmostahteduvvá. Bargge sihke bajássjaddam- ja áhpadusetáhtas ja varresvuoda- ja huksoetáhtas galggi áhpadusáv tjuovvot. Fylkkasuohkana bargge aj oassálassti.

- Skávlá barggijs gájka oassálassti ja birrusij 40 galggi áhpadusáv tjadádit, javllá Sørensen. Valla hiehpá sámmi buoragit barggijda ietjá suohkana suorgijs oassálasstet ja ávkálasj máhtudahka le aj fylkkasuohkana barggijda ja sámmi fylkkamánne barggijda, ja náv guhkás li 10 síjas diededam. Guovlo ietjá suohkanijda aj oahpposaje fáladuvvi. Sihke bájkálasj ja álgoldis lágádalle li. Árrana seniordutke Oddmund Andersen galggá giehttót sáme bivdosebrudagá birra, Lars Andreassen, Bádádjo allaskávlá/Árrana stipendiáhtta galggá ádá ávdánahttema birra ja luonndosuodjalime birra giehttót, ja Árrana giellaáhpadiddje Solvár Knutsen Turi galggá giellaguovdátja bargo birra giehttót ja aj riektá ietjas giellaj ja kultuvrraj. Merrasáme árudagá ja ulmusjáhkkoávdánime ja goade ja árudagá álkádussebrudagán nuppát væráltoaro manŋela li fáttá man birra professor Bjørg Evjen galggá áhpadit. - Mij garrasit dættodijma áhpadus galgaj sierraláhkáj julevsáme ássjijt gávvidit, ja jut universitehtta galggá dættodit merrasáme kultuvrav farra gá

boahhtsusáme, javllá Idar Sørensen. Bjørg Evjen, Rámsá universitehta Senter for samiske studier profesora galggá giehttót mastadimes æláskahthemij julevsáme guovlon ja aj læstadianisma birra sosialalaš ja kultuvralaš dahpadusán sáme sebrudagájn. Állgattjot le pensum 700 biele. Lars Ivar Hansen, profesora Rámsá universitehta Histávra instituhtan galggá giehttót dálusj ásko ja

misjonerima birra, ja sihke Bjørn Bjerkli, UiT:a Sosialantropologia instituhtta vuostasjamanuessa ja Bård A. Berg, UiT:a Histávra instituhtta vuostasjamanuessa, li oassen fágalaš teamas. - Hasodip gájkaj gudi berusti dáv máhttelisvuodav adnet áttjudit máhtudagájt bájkálasj julevsáme kultuvra birra, láhpat Idar Sørensen.



Mastadimes æláskahthemij julevsáme sebrudagán. Professora ja fágalaš aktaniddje Rámsá universitehta Senter for samiske studier le akta lágádallijs sáme kultuvrramáhtudagá áhpadusán gánná julevsáme guovllo tjalmostahteduvvá. Suv ávdep bargoj gaskan li Longyearstáda histávra jages 1916 gitta 1975, Divtasvuona suohkana histávra jages 1869 gitta 2000 ja Etniske relasjonar i nordre Nordland i historisk perspektiv. **FRA ASSIMILERING** til revitalisering i det lulesamiske samfunn. Professor og faglig koordinator ved Senter for samiske studier, Universitetet i Tromsø, Bjørg Evjen, vil være en av underviserne i studiet samisk kulturkunnskap med fokus på det lulesamiske. Hun har tidligere blant annet hatt forskningsprosjekter i Longyearbyens historie fra 1916 til 1975, Tysfjord kommunes historie fra 1869 til 2000 og Etniske relasjonar i nordre Nordland i historisk perspektiv. Foto/gávva: Sander Andersen